

Svar

menningar- og viðskiptaráðherra við fyrirspurn frá Óla Birni Kárasyni um úthlutanir úr Kvikmyndasjóði.

1. Hver er fjárhæð vilyrða og veittra framleiðslustyrkja Kvikmyndasjóðs fyrir leikið sjónvarpsefni? Svar óskast sundurliðað eftir árunum 2015–2023.

Kvikmyndamiðstöð Íslands hefur umsjón með rekstri og starfsemi Kvikmyndasjóðs skv. 1. tölul. 3. gr. kvikmyndalaga, nr. 137/2001.

Að undangengnu ferli innan Kvikmyndamiðstöðvar Íslands fær umsækjandi um framleiðslustyrk vilyrði fyrir framleiðslustyrk áður en búið er að staðfesta öll skilyrði styrkveitingar. Vilyrði er því yfirlýsing um vilja til styrkveitingar að nánari skilyrðum uppfylltum sem umsækjandi þarf að sýna fram á. Gangi allt eftir í framvindu verkefnis er framleiðslustyrkur veittur á grundvelli vilyrðis, oft og tíðum ári síðar, vegna eðlilegrar framvindu í fjármögnun og þróun hins styrkta verkefnis.

Eftirfarandi tafla sýnir fjárhæðir vilyrða og veittra framleiðslustyrkja úr Kvikmyndasjóði sundurliðað eftir styrkveitingarári á tímabilinu 2015–2023. Sá háttur er hafður á að ef til styrkveitingar kemur er eingöngu gerð grein fyrir fjárhæð styrks á úthlutunarári en ekki útgáfu vilyrðis, enda væri sú fjárhæð þá tvítalin. Þannig eru vilyrði ekki skráð í meðfylgjandi töflu hafi styrkur verið veittur á grundvelli þeirra síðar. Hafi vilyrði verið gefið út og ekki komið til styrkveitingar á grundvelli þess er gerð grein fyrir vilyrðinu miðað við ætlaðan upphafsdag framleiðslu.

Taflan sýnir að á árinu 2023 hafa verið gefin út vilyrði vegna 255 millj. kr. styrkveitinga til verkefna sem ráðgert er að fari af stað í framleiðslu á því ári.

Samantektartafla:

Fjárhæð vilyrða og veittra framleiðslustyrkja úr Kvikmynda sjóði
Sundurliðað eftir árunum 2015–2023

Ár	Vilyrði	Fjárhæðir í m.kr.	
		Styrkur	Samtals
2015		94	94
2016		150	150
2017		130	130
2018		140	140
2019	40	60	100
2020		304	304
2021		169	169
2022		480	480
2023	255		255
Samtals	295	1.527	1.822

2. *Hvaða sjónvarpsstöð átti fyrst sýningarrétt þeirra verkefna sem hlotið hafa vilyrði eða framleiðslustyrk fyrir leikið sjónvarpsefni frá Kvikmyndasjóði? Svar óskast sundurliðað eftir árunum 2015–2023.*

Sömu forsendur gilda um framsetningu styrkja og vilyrða og áður kom fram. Þess skal getið að skv. 8. gr. reglugerðar nr. 229/2003, um Kvikmyndasjóð, eru tímabundin vilyrði og framleiðslustyrkir aðeins veittir sjálfstæðum framleiðendum sem hafa reynslu og/eða staðgóða þekkingu á kvikmyndagerð. Sjálfstæður framleiðandi er fyrirtæki sem hefur kvikmyndagerð að meginstarfi. Í sömu grein segir að skilyrði fyrir úthlutun til leikins sjónvarps-efnis sé að efnið sé ætlað til sýningar í sjónvarpi og sýningarréttur hafi verið tryggður í sjónvarpsstöð sem hafi umtalsverða dreifingu. Sjónvarpsstöðin má ekki vera með ráðandi eignarhlut á framleiðslunni, né heldur má hún vera með ráðandi eignarhlut í sjálfstæðu framleiðslufyrirtæki sem sækir um styrk vegna leikins sjónvarpsefnis, hvort sem lítið er til eignaraðildar, hlutafjáreignar eða höfð hliðsjón af viðskiptalegri stöðu. Ráðandi eignarhlutur telst það vera þegar ein sjónvarpsstöð á meira en 25% hlut í framleiðslufyrirtæki (eða eignarhlutur tveggja eða fleiri sjónvarpsstöðva er 50% eða meiri) eða þegar meira en 90% af veltu framleiðslufyrirtækis á þriggja ára tímabili er afrakstur samstarfs við eina sjónvarpsstöð. Sýningarréttur skal renna aftur til framleiðanda innan sjö ára frá undirskrift samnings ef um forsölusamning er að ræða og innan 10 ára ef um samframleiðslusamning er að ræða.

Því má hið styrkta verkefni ekki vera á viðskiptalegu eða listrænu forræði þeirrar fjölmiðlaveitu sem kann að gera samning um að taka efnið til sýningar. Forræði á verkefninu og staða framleiðanda við að hagnýta rétt til sýningar verður að liggja hjá framleiðanda, sem jafnframt er umsækjandi og styrkþegi. Þetta samhengi þarf að hafa í huga við mat upplýsinga um hvar sjónvarpsverk sem Kvikmyndasjóður styrkir er sýnt, þ.e. að við styrkveitingu er tekin afstaða til umsókna og lagt mat á hvort framleiðandi sé sjálfstæður gagnvart fjölmiðlaveitu, en styrkir eru ekki veittir til sýningaraðila né heldur er gert upp á milli slíkra aðila í málsmeðferð umsókna.

Eftirfarandi tafla sýnir fjárhæð vilyrða og veittra framleiðslustyrkja 2015–2023 auk aðila sem kaupir sýningarrétt í sjónvarpi hérlendis:

Ár	Verkefni	Umsetkjandi	Staða	Fjárhæð (m.kr.)	Sjónvarpstöð
2015	Lígeglad	Films Productions	Styrkur	34	RUV
2015	Réttur III	Sagafilm	Styrkur	60	Stöð 2
Samtals 2015				94	
2016	Borgarstjórnin	RVK Studios	Styrkur	50	Stöð 2
2016	Fangar	Mystery Island	Styrkur	62,7	RUV
2016	Hulli 2	RVK Studios	Styrkur	15	RUV
2016	Líf eftir dauðann	Sagafilm	Styrkur	22	RUV
Samtals 2016				149,7	
2017	Ófærð 2	RVK studios	Styrkur	60	RUV
2017	Stella Blómkvist	Sagafilm	Styrkur	70	Sjónvarp Símans Premium
Samtals 2017				130	
2018	Flateyjargátan	Reykjavík films	Styrkur	45	RUV
2018	Pabbahelgar	Zik Zak	Styrkur	45	RUV
2018	Brotin	Truenorth	Styrkur	50	RUV
Samtals 2018				140	
2019	Atlantis Park	Glassriver	Vilyrði	40	
2019	Ráðherrann	Sagafilm	Styrkur	50	RUV
2019	Ísalög (Tum ís)	Sagafilm	Styrkur	10	RUV
Samtals 2019				100	
2020	Ófærð 3	RVK Studios	Styrkur	75	RUV
2020	Stella Blómkvist 2	Sagafilm	Styrkur	50	Sjónvarp Símans Premium
2020	Systrobönd	Sagafilm	Styrkur	45	Sjónvarp Símans Premium
2020	Venjulegt fólk 3	Glassriver	Styrkur	30	Sjónvarp Símans Premium
2020	Verbúð	Vesturport	Styrkur	54	RUV
2020	Vitjanir	Glassriver	Styrkur	50	RUV
Samtals 2020				304	
2021	Brúðkaupið mitt	Glassriver	Styrkur	30	Sjónvarp Símans Premium
2021	Margt býr í Tulipop	Tulipop Studios	Styrkur	50	Sjónvarp Símans Premium
2021	Stöð 2	Glassriver	Styrkur	50	Stöð 2
2021	Trom	Truenorth	Styrkur	9	Viaplay
2021	Venjulegt fólk 4	Glassriver	Styrkur	30	Sjónvarp Símans Premium
Samtals 2021				169	
2022	Afturelding	Zik Zak	Styrkur	70	RUV
2022	Arfurinn minn	Glassriver	Styrkur	30	Sjónvarp Símans Premium
2022	Heima er best	Polarama	Styrkur	70	Sjónvarp Símans Premium
2022	Jóladagatalið	Glassriver	Styrkur	80	Sjónvarp Símans Premium
2022	Omhildarsaga	Compass films	Styrkur	60	Sjónvarp Símans - upphafleg úthlutun
2022	Þvo lengi sem við lifum	Glassriver	Styrkur	70	Stöð 2
2022	Venjulegt fólk 5	Glassriver	Styrkur	40	Sjónvarp Símans Premium
2022	Ævintýri Tulipop	Tulipop Studios	Styrkur	60	Sjónvarp Símans Premium
Samtals 2022				480	
2023	Danska konan	Zik Zak	Vilyrði	70	RUV
2023	Pabbahelgar 2	Ungar Kvikmyndafélag	Vilyrði	55	RUV
2023	Ráðherrann 2	Sagafilm	Vilyrði	60	RUV
2023	Vigdís	Vigdís Production	Vilyrði	70	RUV
Samtals 2023				255	